

ЭКОНОМИКАЛЫҚ НӘТИЖЕЛЕР

Қазақстан экономикасына қолдау көрсету.....	26
Инвестициялық жобалар.....	28



ҚазМұнайГаз

NATIONAL COMPANY ҰЛТУМ ҚОМПАНИЯСЫ



БОЛАШАҚҚА
ИНВЕСТИЦИЯ



3-қағидат. Искерлік топтар бірігу еркіндігін және ұжымдық шарттар жасасу құқығын нақты мойындауды қолдауы тиіс.

ҚАЗАҚСТАН ЭКОНОМИКАСЫНА ҚОЛДАУ КӨРСЕТУ

GRI 201-1

«ҚазМұнайГаз» ҰК АҚ мұнай-газ секторының тұрақты жұмыс істеуін, қызмет жүргізілетін өңірлерді қолдауды және орнықты даму жобаларын іске асыруды қамтамасыз етеді. Компания инвестициялық қызметі, тұрақты

қаржылық нәтижелері, салық төлемдері, жұмыс орындарын құру, әлеуметтік жобалар және отандық өндірушілерді қолдау арқылы мүдделі тараптар үшін ұзақ мерзімді экономикалық құн қалыптастырады.

МҰНАЙ-ГАЗ САЛАСЫН ДАМУ

ҚМГ еліміздің мұнай-газ секторының тұрақты дамуын қамтамасыз етіп, энергия ресурстарын өндіру мен қайта өңдеудің артуына ықпал

етуде. 2024 жылы Компания келесі нәтижелерге қол жеткізді:

23,8 млн тонна

Мұнай мен конденсат өндіру
(2023 жылмен салыстырғанда 1,3%-ға өсті)

9,55 млрд шаршы м

Табиғи және ілеспе газ өндіру
(1%-ға өсті)

83,5 млн тонна

Мұнай тасымалдау
(4%-ға өсті)

557 мың тонна

Битум өндірісі

Қосымша құны жоғары өнім шығару мақсатында мұнай-химияны дамыту – стратегиялық бағыттардың бірі. 2024 жылы KPI-де өндірілген

полипропилен көлемі 249 мың тоннаны құрап, 37%-ға артты.

ФИСКАЛДЫҚ ҮЛЕС

ҚМГ – елдегі ең ірі салық төлеушілердің бірі. 2024 жылы Компания **1,08 трлн теңге салық** төлеп, бұл қаражат мемлекеттік бағдарламаларды қаржыландыруға және экономиканы дамытуға бағытталды.

Салық саясаты және салық төлемдері туралы ақпарат Компанияның сайтында орналастырылған.

ИНВЕСТИЦИЯЛЫҚ ҚЫЗМЕТ

ҚМГ мұнай-газ секторының негізгі сегменттеріне, инфрақұрылымға және орнықты даму жобаларына белсенді инвестиция салуды жалғастыруда. 2024 жылдың соңында ҚМГ инвестициялық портфелінің құны 51,3 трлн теңгеге бағаланды (оның ішінде ҚМГ үлесі – 19 390 млрд теңге). Бұл жобалар Қазақстан экономикасының дамуына мультипликативтік әсер етеді.

Компания, сондай-ақ, акционерлер үшін табыс әкеледі, олардың едәуір бөлігі мемлекет пен Қазақстан азаматтарына тиесілі. ҚМГ акцияларының биржадағы құны бастапқы орналастырудан бері 60%-ға өсті.

«Инвестициялық қызмет» бөлімін толығырақ қараңыз.

ЖҰМЫС ОРЫНДАРЫН ҚҰРУ ЖӘНЕ ӘЛЕУМЕТТІК ҚОЛДАУ

ҚМГ еліміздегі ең ірі жұмыс берушілердің бірі болып табылады. Компанияның штаттағы қызметкерлер саны шамамен 50 мың адамды, ал мердігерлік ұйымдарды есептегенде 80 мың адамды құрайды. ҚМГ жұмыс орындарын ұсынып қана қоймай, қызметкерлерге әлеуметтік қолдау көрсететін және олардың кәсіби өсуі мен әл-ауқатын арттыруға

бағытталған бағдарламаларды іске асырады. Жас мамандарды дамытуға, білім алуға және мансаптық өсуге жағдай жасауға ерекше көңіл бөлінеді.

«Инвестициялық қызмет» бөлімін толығырақ қараңыз.

ӨҢІРЛЕРДІҢ ДАМУЫНА ҚОСҚАН ҮЛЕС

ҚМГ өз қызметін жүргізетін өңірлерді белсенді түрде қолдап, әлеуметтік маңызы бар нысандар мен инфрақұрылымға инвестиция салады. 2024 жылы өңірлік инфрақұрылымды дамытуға және қолдауға 3,7 млрд теңге бағытталды. Бұл қызмет аясында Компания өңірлер үшін маңызды экономикалық инфрақұрылым, білім

беру және спорт мекемелерін салуға қаржы бөледі, сондай-ақ жергілікті қауымдастықтарды дамытуға атсалысады.

«Біздің қауымдастықтарымыз» бөлімін толығырақ қараңыз

ОТАНДЫҚ ӨНДІРУШІЛЕРДІ ҚОЛДАУ

ҚМГ отандық кәсіпорындардың өнімдеріне тұрақты сұранысты қамтамасыз ете отырып және импортты алмастыруға ықпал етіп, ұзақмерзімді оффтейк-шарттар арқылы қазақстандық бизнестің дамуына жағдай жасайды. 2024 жылы Компанияның еншілес және тәуелді ұйымдары

жалпы сомасы 58,7 млрд теңгеге 137 оффтейк-шарт жасасты.

«Инвестициялық қызмет» бөлімін толығырақ қараңыз

ОРНЫҚТЫ ДАМУ ЖОБАЛАРЫН ДАМУ

ҚМГ Қазақстанның төменкөміртекті экономикаға көшуін қолдай отырып, жаңартылатын энергия көздері (ЖЭК) саласындағы жобаларды белсенді түрде іске асыруда. Негізгі бастамалардың қатарында – Жамбыл облысында қуат жинақтау жүйесімен жабдықталған 1 ГВт қуаттылықтағы жел электр станциясының (ЖЭС) құрылысы және Маңғыстау облысындағы гибриді электр станциясы жобасы бар. Бұл жоба жаңартылатын

энергия көздерінен (жел, күн) және 247 МВт қуаттылықтағы газ электр станциясынан (бұдан әрі – ГазЭС) біріктірілген электр энергиясын өндіруді көздейді. Аталған жобалар еліміздің энергетикалық балансындағы таза энергия үлесін арттыруға мүмкіндік береді.

«Климаттың өзгеруі және төменкөміртекті даму» бөлімін толығырақ қараңыз

ҚМГ – еліміздің жетекші мұнай-газ компаниясы ғана емес, сонымен қатар Қазақстанның ұзақ мерзімді тұрақты дамуын қамтамасыз ететін маңызды экономикалық агент болып табылады. Компания инвестициялар, табыс пен салық төлемдері, жұмыс орындарын құру және әлеуметтік бастамаларды қолдау арқылы елдің экономикалық өсуіне, халықтың әл-ауқатын арттыруға және өңірлерді дамытуға елеулі үлес қосып отыр. Сонымен қатар, экономикалық міндеттер экологиялық және әлеуметтік аспектілермен өзара байланыста қарастырылып, мұнай-газ саласы мен жалпы қазақстандық экономиканың орнықты дамуын қамтамасыз етеді.

ИНВЕСТИЦИЯЛЫҚ ЖОБАЛАР

GRI 203-1, GRI 203-2

ЖОБАЛАРДЫ КОРПОРАТИВТІК БАСҚАРУ

2024 жылы ҚМГ жобаларды басқарудың корпоративтік жүйесін (ЖБКЖ) жетілдіруді жалғастырды:

- Жобаларды басқару құжаттамасы жаңартылды.
- ЖБКЖ жұмыс үстелі нұсқаулығының екінші нұсқасы жарық көрді.
- 150 маманның қатысуымен жобаларды басқару бойынша Екінші конференциясы өткізілді.

- ҚМГ мен ЕТҰ-ның 500 қызметкері үшін жобалық басқару бойынша 9 курс өткізілді, 63 қызметкер IPMA сертификатын алды.

2025 жылы сараптама жүйесін одан әрі дамыту және жоба жетекшілерінің пулын қалыптастыру жоспарлануда.

ИНВЕСТИЦИЯЛЫҚ ПОРТФЕЛЬГЕ ШОЛУ

ҚМГ-ның инвестициялық портфелі геологиялық барлау, мұнай тасымалдау, мұнай өңдеу, мұнай-газ химиясы және орнықты даму салаларындағы жобаларды қамтиды. 2025 жылдың басындағы портфельдің құны – 51 270 млрд теңгені құрайды (ҚМГ үлесі – 19 390 млрд теңге).

2024 жылы негізгі жобалар бойынша 4 972,3 млрд теңге (ҚМГ үлесі – 3 558,8 млрд теңге)

сомасына түпкілікті инвестициялық шешімдер қабылданды:

- Атырау қаласындағы газ-химия кешенінің екінші кезеңі (полиэтилен өндірісі және газ-сепарация кешенінің құрылысы).
- «CASPI BITUM БК» ЖШС жаңғырту (қайта өңдеу қуатын жылына 1,5 млн тоннаға дейін ұлғайту).

2024 ЖЫЛЫ ИНВЕСТИЦИЯЛЫҚ ЖОБАЛАРДЫ ІСКЕ АСЫРУ



Геологиялық барлау және өндіру

- Солтүстік өзен, Жарық, Березовский, Мұғалжары, Болашақ учаскелерінде геологиялық барлау жұмыстары жүргізілді.
- Торғай, Қаратон Тұзасты, Қаражар, Тайсойған учаскелерінде PZ-1 (тереңдігі 5 500 м) іздеу ұңғымаларын бұрғылау басталды.
- «Абай» учаскесінде бірінші ұңғыманы бұрғылау аяқталды.
- Рожковское кен орнында 5 ұңғыма қосылды, шикі газ өндіру – тәулігіне 1,4 млн м³.
- Өріктау кен орнында ВУ-6 ұңғымасы пайдалануға берілді, өндіру өсімі – тәулігіне 90,3 тонна.
- Қаламқас-теңіз, Хазар, Әуезов кен орындарында жобалық жұмыстар басталды.



Теңіз, Қашаған, Қарашығанақ ірі жобалары

- Теңіз: болашақ кеңейту жобасы аяқталуда (99,95% дайындық), пайдалануға беру – 2025 жылдың 2 тоқсанында.
- Қашаған: өндірісті тәулігіне 710 мың баррельге дейін ұлғайту үшін 2А және 2Б кезеңдері әзірленуде.
- Қарашығанақ: 5-ші компрессордың жобасы аяқталды, 6-шы компрессордың құрылысы жүргізілуде (67,5% дайындық).



2

ЭКОНОМИКАЛЫҚ НӘТИЖЕЛЕР

БОЛАШАҚ ИНВЕСТИЦИЯ «ҚАЗМҰНАЙГАЗ» ҰК АҚ-НЫҢ 2024 ЖЫЛДАҒЫ ТҮРАҚТЫ ДАМУ ТУРАЛЫ ЕСЕБІ

Е С Б



Мұнай өңдеу

- ПМХЗ-да сұйытылған газды тазарту қондырғысында іске қосу-баптау жұмыстары аяқталуда.
- 1 млн тоннаға дейін Теңіз мұнайын өңдеу үшін АМӨЗ жаңғырту басталды.
- «CASPI BITUM БК» ЖШС қуатын кеңейту жұмыстары басталды.
- АМӨЗ, ПМХЗ және ПҚОП үш жылдық жөндеу аралық кезеңге көшу жүргізілуде.



Мұнай-газ химиясы

- PP қондырғысының кепілдік сынақтары және полипропилен зауытының демонстрациялық жүгірісі аяқталды. Маркалық ассортимент кеңейтілді (10 марка), өндіріс шамамен 249 мың тоннаны құрады.
- Полиэтилен өндірісін жобалау аяқталды, Tecnicas Reunidas және Sinopec Engineering компанияларымен ЕРС келісімшартына қол қойылды. Ерте құрылыс жұмыстары басталды.
- «Терефтал қышқылы мен полиэтилентерефталат өндірісі» жобасының алдын ала ТЭН әзірленді.
- ҚМГ мен CNPC арасында аммиак пен карбамид өндіретін газ-химия кешенін салу жөніндегі негіздемелік келісімге қол қойылды.



Орнықты даму жобалары

- «Кендерли» тұщыландыру зауытының жобасында негізгі жұмыстар аяқталды, іске қосу – 2025 ж.
- Маңғыстау облысында гибриді электр станциясы салынуда (газ + ЖЭК).
- Еуропалық Қайта құру және Даму Банкінің, ҚМГ-Аэро, Air Astana қатысуымен тұрақты авиациялық отын өндіру зауытын (SAF) салу жөніндегі жобаға техникалық-экономикалық зерттеу жүргізілді.
- Бұл жобаларды іске асыру бизнесті әртараптандыруға, көміртегі ізін азайтуға және Қазақстанның энергетикалық қауіпсіздігін қамтамасыз етуге ықпал етеді.



